

Meje Po Carte Pablo Tatina, Filipos Tomarapiwi Tatinatsi

Meje poxonae Pablo tamropata pitaba xua tatina, Filipos tomarapiwi tatinatsi

¹ Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonae jinompa Filipos tomaratha. Patatinanbe daxita pomonae Cristo Jesús pejume cowantsiwichi, pomonae yatsicaewa Nacom piamonae tatsi. Matautano iru patatinanbe pomonae pecanamataxeinaewi pejume cowantsi jiwí. Matautano iru patatinanbe pomonae peyawenaewi pejume cowantsi jiwíwitha, poxonae yawena peatenewitha, xuano xua poxonae apata pexaewa peacopeibiwíwitha. Barapomonae Nacom piamonae tatsi, yawa barapomonae caemonae naexana Cristo Jesustha.

² Barabu Nacom, pon Waxa, amanaya paca yawenaena painya pia paca necaantobexae, yawa xua juntema jinompa paca exanaena. Iru barabu Jesucristo pon jiwí Pecanamataxeinaein baxua pacata exanaena.

Meje yabara poxonae Pablo tawuca Nacomtha pomonae Nacom pejume cowantsiwí

³ Poxonae paca yabara nanta xeineibatsi Tana-com tsipaebeiban paxam yabara. Jan tsaib-inje: “Nacom jũntũ coyene weiweinan xua barapomonaē betiya necatsita dubenanaēbiyaēxae”, jan tsaibin.

⁴ Poxonae Nacom pacata wũqueibatsi bichocono jũntũ coyene weiweinaēya pacata wũqueibatsi xua daxita paxam.

⁵ Nacomtha yabara tsipaēban xua paxam tapana nebarũ nacuichiwam Nacom Pejume Diwesi xua poxonae aena pajume cowũntame xua beya anoxuae.

⁶ Bara xaniwaicha yaputan xua Nacom tamropata pitaba xua xanepanaya beta paca cana jũntũ coyene exana. Baxua Nacom paca cana jũntũ coyene exana ducuaēbiyaēna beya poxonae Nacom xanepanaya paca cana jũntũ coyene wetsina poxonae po mataqueitha Jesucristo patopaetsica.

⁷ Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonae bequein anoxuae jiwi pecũbi botha neeta, yawano poxonae bequein caena bay-atha pecapanenebiyaē diwesi jume yabara jume yawenaēya cueicueijan jiwitha, yawano xua jiwitha tsita itapeinya xeinan xua barapo diwesi bara pexainyei diwesi jume, bapoxonae bara pana nebarũ atenem. Daxota poxonae Nacom amanaya neyawena poxonae atene neexana ichamonae pia taneantobexae Nacom, irũrũ Nacom amanaya paca yawena pia paca necaantobexae poxonae paca atene exana ichamonae.

⁸ Nacom yaputane xua bichocono bara paca

antobetsi daxita paxam, icha Jesucristo ichi xua daxita paca antobe.

⁹ Yawano Nacom paca tsiwɥcatsi xua equeicha matowa mataropeicha painya nepaca catsinexa peantobewa. Yawa muxuna wɥcan xua Nacom paca cana exanaena xua painya neyabara yapuraewa daxita coyenewan. Mataɥtano muxuna wɥcan xua Nacom paca cana exanaena xua painya neitapetsiwa pocotsi coyene xua betiya paca cana exanaena.

¹⁰ Bapoxonae payaputaename xua itapetsiya paexanaename pocotsi coyene bichocono xanepana. Bapoxonae bichocono pajɥntɥ coyene xanepanaya jinompaename. Yawano poxonae Cristo patopaetsica bapon jopa paca yabara paebi tsane xua panatsicuentame abe painya neexanaewan.

¹¹ Paca tsiwɥcatsino xua Jesucristo paca necajɥntɥ coyene yɥca exanaenexa, xua po jɥntɥ coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonae jiwi baxua paca cui taena bapoxonae jiwi Nacom wɥnae jaintsinchi jei tsane: “Maisa Nacom paca barɥ cui itura jinatsi, xua jinya neexanaexae barapo jiwi pia jɥntɥ coyenetha tatsi”, jei tsane barapo jiwi.

Meje poxonae Pablo namchi: “Xua tapoponae coyenewa bara apara Cristo nexa”, jei

¹² Tamonae pam, pomonae irɥ painya nejume cowɥntsixae Jesús, ichichipan xua painya neyapuraewa tsane xua po coyene poxonae necana exana ichamonae xua jiwi pecɥbi botha neeta tayabara cueicueijeixae Jesucristo. Baxua tana

necana exanaexae ichamonae jiwi tajū jume tane Nacom pia pecapanenebiyae diwesi jume tatsi.

¹³ Daxota daxita soldadomonaē pomonaē xote umene pomonaē peyapu eenaewi pepa pentacaponaein pia bo tatsi irurū seicayano ichamon-aerū, daxita barapomonaē yaputane xua xan jiwi pecūbi botha neeta tapaebi ducuaanaebiyaxae Cristo nexa.

¹⁴ Pin bicheito, pomonaē pejume cowantsiwi Nacom, barapomonaē netane xua jiwi pecūbi botha ecan. Daxota barapomonaē bichocono ichichipa xua pecueicueijeīwa Nacom Pejume Diwesi. Barapomonaē jopa junuwiyo xua cui tsacatsacapiya pecueicueijeīwa Nacom Pejume Diwesi, tsipei bichocono jume cowantatsi pon jiwi Pecanamataxeinaein.

¹⁵ Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiwi barū cui itura jinaena barapomonaetha, beyacaincha xua tana nebarū cui itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejuntū coyene xanepanaexae.

¹⁶ Barapomonaē baxua exana taneantobexae peyaputaexae xua jiwi pecūbi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonae ichamonae abe yabara paeba barapo diwesi.

¹⁷ Pomonaē Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecūbi botha.

18 Bequein jiwi Cristo xainyeya yabara paebatsi poxoru tana neantobexae, ichacuitha metha tsi-pae poxoru tana neuwixae baxuan bapana jopa netsita ainya cuiyiyo. Saya jame poxonae ba jiwi Cristo yabara paebatsi, baxua ba jame bichocono nejantũ coyene weiweina exana.

19 Yawa equeicha bichocono nejantũ coyene weiweina exanaponaena, tsipei yaputan xua painta wũcame nawita Nacomtha. Yawa yaputan xua Jesucristo pia Pejumope tũnaxũ tatsi neyawena, pebaxuaxaebe bara Nacom necapanepaena pomonae tana neaitafaetabi jiwi weya.

20 Pocotsiwa xua taichichipaewa yawano pocotsiwa xua tawũnae ewatsiwa, xua bapana jopa tacoutha naacauran tsane tajunuwixae xua tayabara cueicueijejiwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowũntsina xua poxonae netane xua beta tapoponaewa Cristo nexa. Bapoxonae jiwi Cristo barũ cui itura jinaeinchi poxonae necui taena xua beta xanepanaya poponan Cristo nexa. Baxua jiwi exanaena poxonae bequein asũ poponaethan tsane, xua Cristo tatsita poponaewa yawa poxonae bequein tũpaethan tsane xua Jesucristo tayabara cueicueijeixae.

21 Jame pocotsiwa netsita xanepana apara xua jiwi Cristo barũ cui itura jinatsi, xua Cristo tatsita poponaewaxae. Ichitha icha tũpaein Cristo taein, baxua netsita xanepana bichocono, beyacaincha xua poxonae abũ cataunxuae poponan, tsipei Cristo taein.

²² Awiya cataunxuae poponan daxota neitacupa xua awiya tanacuichiwa pocotsiwa pexanepanae coyenewa pon jiwi Pecanamataxeinaein nexa. Jopa yaputaeinyo xua barapo naxobe coyenewabe jiwana itapetocuaein.

²³ Inta bichocono ayapube xua barapo naxobe coyenewabe jiwana itapetan. Ichacuitha saya betapaein xua tapoponaenexa tsane ichaxota Cristo popona, tsipei baxua jame inta bichocono xanepana.

²⁴ Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi.

²⁵ Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaeinexa Cristo. Matautano yaputan xua bichocono equeicha matowa painya nejunta coyene weiweina tsozonaenexa tsane.

²⁶ Daxota poxonae paca siwa ponaeinchi Cristo Jesús wanae pajainchiname xua equeicha tapaca casiwa ponaexaetsi tsainchi.

²⁷ Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha taju ecan, maisa ichichipan xua ichun yabara benetsipaebina xua beta painya nejinompaewa. Bejume taein xua xanepanaya beta ajuntuyapususya pajume cowanta dubenanaebiyame Nacom. Matautano bejume taein xua caemona peburuya jume daunweya pana nabaru cueicueijam painya nejume cowantsiwa Cristo.

28 Jopa pajunuwinde poxonaē imoxoyo abe paca exaneiba painya nepaca caaitafaetabi jiwī. Baxuan barapomonaē exana be tsita itapeinya xeina xua barapomonaē weraweracaena xua poxonaē po mataqueitha poxonaē Nacom yabara paebina jiwī xua penatsicuentsiwa abe peexanaexae xua iru Nacom paca capanenebiyaena barapo mataqueitha.

29 Nacom pexeinya coyene paca cata painya netanacuichinexa Cristo xua poxonaē pajume cowantame bapon, matautano xua poxonaē ichamonaē paca atene exana poxonaē ichamonaē abe paca yabara paeba painya nejume cowantsixae bapon.

30 Waxainchi bara nanta jupaya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonaē bayatha pana netaneme xua poxonaē jume daunweya paeban Nacom Pejume Diwesi, matauta xua poxonaē bara pana neyabara jume taneme xua awiya cataunxuae exanaponan barapo coyeneya.

2

Meje yabara xua Cristo peacopeibin pia coutha naexana, xua jopa peainya cui jitonyo

1 Payaputaneme xua Cristo paca juntu coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxonaē ichamonaē abe pacata exana. Matautano payaputaneme xua Nacom pia

Pejumope t̄nax̄ tatsi paca bar̄ jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa.

² Icha daxita barapo pexainyei coyenein payaputaneme, bichocono pana nej̄nt̄ coyene weiweina exande. Baxua painta exanaename poxonae caemonae j̄ntema pajinompame, xua caemonae nantiya pana naantobem. Matautano baxua painta exanaename poxonae xua caemonae nanta j̄paya pana nabar̄ nanta xeiname yawano poxonae nanta j̄paya ichipaeya paexaname.

³ Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peaebi coyene. Jame maisa painya coutha pana nayabara nanta xeinare xua pomonae pecui paw̄ jiwi pam. Jame maisa sayano ichamonaе pacui yabara nanta xeinare xua pepa peainya cuimonaе xua beyacaincha paxam.

⁴ Jopa bewa panantātsim painyamonaе jiton pon saya ichichipa nawita xua saya meisa penata exanaewa pexanepanae coyene. Jame bewa muxuna bapon taexanae ichamonaе pocotsiwa xua ichamonaе tsita pexeinya coyenetsi.

⁵ Paxam beta pebur̄ya pananta j̄paya nanta xeinare icha Cristo Jesús ichi xua poxonae beta ba nanta xeina. Bapon bara iche:

⁶ Bapon Cristo peyacuiya jinaein Nacom.

Bapon bequein barapara Nacom, daichitha bapon jopa pia coutha ichichipaeya

daunweya botsiyo barapo coyenewa xua
peyacuiya jɥpae jinaein icha Nacom
ichi poxonae patopeica po cae
pin nacuathe tsique.

⁷ Daichitha barapo coyene naitematsiya cuenta
pona.

Bapon Cristo be jiton yacuiya naexana po
cae pin nacuathe tsique xua Nacom amanaya
petanacuichinexatsi xua pia coya pe-
ichichipaexae.

⁸ Poxonae bapon naexana po cae pin nacuathe
tsique bara yatsicaya be jiton coyene.

Bapoxonae pia coutha nacana exana be pon
peacopeibin xua jopa peainya cui jitonyo.

Bapon exana pocotsiwa Nacom itoroba poxonae
jejei xua tɥpa pecana exanaewatsi ichamonae,
bequein barapo petɥpaewa bichocono
pin ura exanatsi xua tɥpa naetotha.

⁹ Daxota Nacom, Cristo bichocono barɥ cui itura
jinatsi poxonae Nacom athabe juinya exana xua
Cristo athabe juinya exanatsi.

Mataɥtano Nacom barɥ cui itura jina,

Cristo barɥ cui itura jinatsi poxonae

Nacom bapontha wɥn duta, po wɥn xua jei:

“Pepa Pecanamataxeinaein”, jei.

Barapo wɥntha Jesús copatatsi xua bara

pecanamataxeinaenexa pia peayapusɥ itorobi

coyenewatha daxita carepaya jiwi, matatsunpi-
withano.

¹⁰ Nacom barapo wɥn cata xua daxota daxita jiwi
poxonae jume taena barapo wɥn pentabocoton-
tha

umenaena, xua Jesús w_hnae pejainchinexa tsainchi,
pepa Pecanamataxeinaeinxae itabocopiwi,
ir_hru po irathepiwi, ir_hru pomonae
jinompa ira b_hx_hpana wetsina.

¹¹ Daxita barapomonae Nacom w_hnae
jainchinchi pon Nacom, Waxa, jei tsane:
“Maisa, Nacom paca bar_h cui itura jinatsi,
tsipei bapon Jesucristo bara yatsicaya
pon pepa Pecanamataxeinaein jiwi”,
jei tsane daxita barapomonae.

*Meje yabara xua ichamona, Nacom pejume
cow_hantsiwi beta cui yaputainchi*

¹² Tamonae pam paxam pomonae bichocono
tapaca caantobewichi pam. Tsipei bayatha
pana nejume cow_hanteibame pocotsiwa paca
itorobeibatsi poxonae paca bar_h ecatsi, daxota
anoxuae nama bichocono pana nejume cow_hnde
beyacaincha xua poxonae imoxoyo paca bar_h
ecatsi bequein taj_h ecan. Awiya cataunxuae
carepaya daxita paxam barompaya paexana
dubenanaebiyama pocotsiwa xanepana xua
pocotsiwa Nacom ichichipa xua Nacom painya
nepaca capanepaexae. Pana naj_hnt_h coyene aura
exande xua jopa paatsacande. Yawano pana
naj_hnt_h coyene junuwa exande Nacomtha, abe
painya neexanaeyainwa.

¹³ Bapon Nacom paca cana j_hnt_h coyene yawena
xua painya j_hnt_h coyene, jume bar_h jejei pocot-
siwa Nacom paca itoroba. Mata_hntano Nacom paca
yawena xua painya neexanaewam pocotsiwa Na-
com ichichipa.

14 Daxita coyenewan poxonaē paexaneibame jopa paexanaeinde pocotsiwa anaya painya jũntũ coyenewatha payabara paebame ichamonae. Mataũtano jopa payabara najume matsontsonobinde baxua poxonaē Nacom pata exaneibame.

15 Bapoxonaē poxonaē jiwi paca cui taena, barapo jiwi jopa abeya paca cui yabara paebi tsane xua painya nenatsicuentiwa xua abe painya neexanaexae. Mataũtano paca cui taena xua jopa ajũntũcoyenebeya pajinompam. Jame maisa painompare be Nacom piamonae tatsi coyeneya. Mataũta jopa abe paexanaeinde xua icha pomonae anoxuae paca barũ jinompa pomonae pemuxitorobiwi xua pomonae peantũcuiuyapubewi xua poxonaē abe exana dubenanaebiya. Icha paxam beta pajinompame barapomonae peitũtha tatsi, bara paca tane xua bara beta pajinompame bequein abe peexanaē jiwi nataetha, icha be pocotsi jũta coyeneya ichi xua opitei ba poton pentha tsurubenaē poxonaē quirei tsuncuae, bara ba jiwi tane barapo opiteiton bequein quirei tsuncuae taetha.

16 Daunweya pajume cowũnta dubenanaē-biyama po diwesi jiwi ajũntũyapusu exanatsi. Daxota poxonaē Cristo patopaetsica bichocono paca weyataeinchi tajũntũ coyenewatha beta xaniwaichiya painya nejinompaexae Nacom nexa. Bapoxonaē yaputaēin xua xaniwaicha bara beta paca yawenatsi xua painya nejume cowũntsiwam.

17 Bequein metha jiwi nebexubina xua tapaca cayawenaexaetsi, xua painya nejume

cowantsinexa, daichitha awiya juntu coyene weiweinan, iru paxam paca cayawa juntu coyene weiweinaeinchi.

¹⁸ Daxota paxam bewa pana nebaru juntu coyene weiweinaename, bequein tupaein xua tapaca cayawenaexaetsi xua painya nejume cowantsinexa.

Meje Timoteo yabara iru xua Epafrodito yabara

¹⁹ Icha Jesús pon jiwí Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonae juntu coyene weiweinaein xua poxonae paca yabara jume taeinchi xua netsipaebina Timoteo.

²⁰ Tsipei ichun ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompae coyenewa icha xan ichin xua bichocono paca siwa yabara nanta xeinatsi.

²¹ Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaexanaewatsi coyenewan tatsi.

²² Paxam pataneme xua Timoteo neyawena xua pecueicueiweiwa Nacom Pejume Diwesi, icha be coxiyun ichichi xua poxonae pexanto yawenatsi.

²³ Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa.

²⁴ Jume cowantan pon jiwí Pecanamataxeinaein xua necopata xua iru methaunxuae paca siwa ponaeinchi.

25 Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesús, pon taneyawenaen xua cueicueijan Nacom Pejume Diwesi. Bapon jume daunweya pacuidubanbe poxona bequein ichamona abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan.

26 Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam.

27 Bara xainyei, bapon bayatha bichocono atene bara muxu petupa. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petupaexae tsipae, xua beyacaincha juntu coyene wecoyan poxona xua copiya, xua poxona saya atene.

28 Daxota bichocono ichichipan xua bapon nainya pacata itorobinchi. Baroxona pajuntu coyene weiweinaename xua equeicha painya netaxae tsane bapon. Matautano bapon itorobin xua jopa tapaca yabara juntu coyene wecoyeinexatsi.

29 Moya bara bichocono pantenta juntu coyene weiweinaeya jacobare Epafrodito xua pepatopaexae, pon jiwi Pecanamataxeinaen peitorobixae. Epafrodito beta pabaru cui itura

jinare. Bara paichinde ichamonaetha, pabarua cui itura jinare pocotsimonaе icha bapon ichi.

³⁰ Bapon bara muxu pebexubichi xua Cristo petanacuichixaetsi. Bapon penapepeichiwatha naexana, inta pewetsinexa pocotsiwa xua jopa paca itacupaeyo xua painta exaname.

3

Meje yabara xua po coyene pepa pejuntua coyene xanepanaewa

¹ Tamonaе pam, pomonaе irua painya nejume cowantsixae Jesús, pajuntua coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom.

² Dota pam pomonaе peantua coyenebe jiwi yawano xua abe peexanaewi. Matauta dota pam pomonaе judiomonaе pia cui coyeneyatha tatsi paca itoroba xua painya nenawi thabiwam po coyene xua pawi thabame pebiwi xua ichaxota nareixacaena. Barapomonaе nanta xeina xua icha baxua exanaena Nacom capanenebiya exanaena.

³ Waxainchi xaniwaicha barapomonaetsi pomonaе yatsicaewa Nacom watsita juntua coyene xanepanaewichi, tsipei Nacom pia Pejumope tanauxa tatsi naca yawena xua jume cowantatsi watanacuichinexa Nacom. Matautano wajume cowantsixae Cristo Jesús, daxota bapontha wanae jaintatsi pia wanacata exanaexae. Waxainchi jopa nanta xeinaetsi xua poxonaе ichamonaе

naca wi thaba, barapo coyene naca jantꞫ coyene xanepana exana Nacomtha.

⁴ Icha pebiwi itacꞫpaetsipatsi xua jume cowꞫnta xua pia coutha nacapanenebiya, barapoxonae irꞫ xan neitacꞫpaetsipa xua jume cowꞫntan xua tacoutha tanacapanepaewa beyacaincha xua barapo pebiwi. Ichitha pebiwi irꞫ xan, jopa pana neitacꞫpaeyo xua pana nacapanenebiyan pata coutha.

⁵ Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matacabitha newi thaba. MataꞫtano xan bara israelmonae pia saineiwi jiwanan. MataꞫtano Benjamín piamonae tatsi jiwanan tsipei pia pemoxi susato jiwi jiwanapin tatsin. MataꞫtano yacuiya naexanan xua hebreo jume tacueicueijeiba, taxa irꞫ taena hebreo jume pepaebiwixae. MataꞫtano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba.

⁶ Bichocono jume cowꞫntan pocotsiwan fariseomonaepia pecuidubi coyenewan tatsi. Daxota abe exanan pomonaetha pomonae Jesús pejume cowꞫntsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa jantꞫ coyene xanepanan Nacomtha xua jopa xeinaeinyo tanatsicuentsiwa xua abe taexanae coyenewa.

⁷ Daxita po coyenein xua bayatha inta netsita ainya cui, porucae jopa daichiyo. Anox-

uae netsita acoyenebe barapo coyenein, tajume cowantsinexa Cristo.

⁸ Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wnae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein.

⁹ Ichichipan xua be caein naexanan Cristotha xua tajuntu coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyo xua tajume cowantsixae Moisés pia peitorobi coyenewa xua daxota tajuntu coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowantan, poxoru Nacom tanecatsixae pejuntu coyene xanepanaewa. Barapocotsi coyenewa ba Nacom cata jiwitha pomonaetha pomonaee pejume cowantsiwixaetsi.

¹⁰ Pocotsiwa taichichipaewa baraxua xua apara jame tayaputaewa Cristo. Matautano be yaputaen peayapusu itorobiwa, po peayapusu itorobi coyenewatha Jesús asu exainchi barapo petapae cuiru coyene weya. Bequein ichamonae atene neexanaena, icha Cristo ichichi xua

poxonae atene exanatsi ichamonae, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitupa jiwi, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara juta ichiya ichichipa exanan xua pocotsiwa Nacom ichichipa.

¹¹ Yawano ichichipan xua baxuan exanaein beya poxonae Nacom asu neexanaena po mataqueitha Nacom asu exanaena petupae cuiru coyene weya pomonae iru pejume cowantsiwixaetsi.

Meje yabara xua po pentoma Nacom pia wanaca catsiwa, juntema beta waexanaexae

¹² Jopa paebinyo xua xeinan barapo coyene, po coyeneyatha xua Nacom asu neexana petupae cuiru coyene weya. Matautano jopa paebinyo xua Nacom bayatha xaniwaicha juntu coyene xanepana neexana xua jopa daxota abe taexanaewa. Daichitha awiya yabara nacuichiya exana ducuaenaebiyen xua taxeinaenexa barapo coyenewa tsipei Cristo Jesús copiya neexana be piamonae jiton tatsin.

¹³ Tamonae pam, pomonae iru painya ne-jume cowantsixae Jesús, paca tsipaebatsi xua jopa cataunxuae baxua wetsinyo xua tajuntu coyene bara xaniwaicha bayatha nejuntu coyene xanepana exana xua jopa xainaeyo peabe coyenewiyo. Ichitha bara saya cae coyene exanan. Juntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xinaein.

14 Bichocono ajuntayapusa exana ducuaenabiyan xua pocotsiwa Nacom ichichipa, beya taxinaenexa po pentoma pocotsiwa Nacom naca catsina poxona naca wabina pia nacua beicha caemona wayawa jinompaexae Cristo Jesús.

15 Daxita waxainchi, pomonaetsi xua bayatha beta yabara yaputaetaepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae abu jopa xeinaetsi po juntu coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxona Nacom yabara paca yaputane exanaena baxua.

16 Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

17 Tamona pam, pomona iru painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxona pomona xua jinompa xua poxona exanapona, icha pocotsi coyeneya paichin poxona paca cuidubatsi.

18 Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomona aichaxaibi po diwesi po coyene xua Cristo naetotha tsitapa jivi”, paca jeichi.

19 Nacom barapomona weraweraca exanaena. Barapomona saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo

pexaewa yabara. Barapomonae yabara atsaca pocotsi coyene bequein barapomonae bewa ita aura tsane baxua. Daichitha barapomonae jopa yabara ita auriyo baxua. Saya barapomonae yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa.

²⁰ Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetsica itaboco wetsica pon jiwi Pecapanenebiyaein, pon jiwi Pecanamataxeinaein, bapon Jesucristo.

²¹ Wapepon, po pepon jopa wɥnaetsi, po pepon atene yawa xua tɥpaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitɥpanae coicha, xua po pia pepon tatsi jopa ateneyo, yawa xua jopa tɥpaeyo. Baxuan Cristo nacata exanaena pia peayapusɥ itorobi coyenewatha, po peayapusɥ itorobi coyenewatha itacɥpatsi xua daxita pecanamataxeinaewa.

4

Meje yabara xua Pablo jei: “Ataya pajɥntɥ coyene weiweineibare pon jiwi Pecanamataxeinaeintha”, jei

¹ Tamonae pam, pomonae irɥ painya nejume cowɥntsixae Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejɥntɥ coyene weiweina exaname. Mataɥtano paxam pomonae Nacom necata

painya nejume cowantsinexa Jesustha xua be tana nematomatsiwa, xua neyaputane exana xua bara exanan pocotsiwa xanepana poxona tanacuitan bapon. Tamona pam, paxam pomona tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaein.

² Itoroban powa pewun Evodia, ichawayono xua powa pewun Sintique xua barapowayobe equeicha penaita coxonaenexabe xua be yatsicaewa caemona jutowayo penaexanaenexabe pon jiwi Pecanamataxeinaein piamona jutowayobexae tatsi.

³ Xam ponxaem yatsicaewa tanebaru nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxona cueicueijan Nacom pia pecapanenebiyae diwesi. Barapoxona barapowayobe, iru Clemente iru ichamonaeno daxita barapomona daunweya nebaru nacuita. Daxita barapomona wun dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajuntuyarusawa poxona wun dubeiba barapo diborotha, xua Nacom pia diboro tatsi.

⁴ Paca jeichi: “Ataya patsita juntu coyene weiweineibare pon jiwi Pecanamataxeinaein”, paca jeichi. Equeicha paca jeichi: “Ataya patsita juntu coyene weiweineibare”, paca jeichi.

⁵ Barabu beta pajinompaname xua daxita jiwi painya pia paca yabara yaputaenexa xua bara paxam pomona pejuntu coyene xanepanaewi

pam, tsipei imoxoyo patopaetsica pon jiwi Pecanamataxeinaein.

⁶ Jopa payabara nanta xeinaeinde nawita pocotsiwa ba paca jũntũ deideije exana. Jame maisa Nacom patsipaebibare daxita coyenein yabara. Nacom yabara pawũqueibare daxita coyenein. Mataũtano payabara jacobebare Nacom poxonae pocotsiwan paca catsibeiba pocotsiwan xua panantawenoname.

⁷ Barapoxonae Nacom paca jũntũ coyene jũntemiya jinompa exanaena. Barapo jũntemiya jinompae coyenewa jiwi ba jopa yabara yarutaeyo, tsipei bichocono peXEINYA coyenewa. Barapo jũntemiya jinompae coyenewa paca jũntũ coyene eenaena. Mataũtano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

Meje yabara poxonae Pablo jei: “Payabara nanta xeinare daxitan pocotsiwan xua wũnae”, jei

⁸ Tamonae pam, pomonae irũ painya nejume cowũntsixae Jesús, paca tsipaebatsi nama anoxuae pocotsiwa xua tabũ ducua paca tsipaebatsi pocotsiwa xua nama wetan. Payabara nanta xeinare daxitan meje xuaje po coyenein: po coyenein xua pexainyeiwan, mataũtano po coyenein xua jiwi yabara nanta xeina xua pexanepanaewan, mataũtano po coyenein xua xaniwaichiya pecana exanaewan, mataũtano po coyenein xua Nacom petsita exanaewatsi peXEINYA jũntũ coyenein, mataũtano xua po coyenein peXEINYA peitũpanae coyenewan, mataũtano po coyenein xua jiwi peyabara barũ

cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wanae jainchina xua barapo coyenein pexanepanaexae.

⁹ Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonae Nacom pon peyawa jinaein juntema pepoponae junte coyenewa, bara bapon paca yawa poponaena.

Meje yabara paratixi po paratixi jiwi cata Pablo nexa

¹⁰ Tsita junte coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaenexam.

¹¹ Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua juntema tapoponaewa pocotsiwa xua xeinan bequein inta acoibi ichawa.

¹² Yaputan xua beta poponan poxonae bequein be pon taacopeibin. Matautano yaputan xua beta poponan poxonae nawita taxeinaein. Bayatha nacuiduban xua juntema tapoponae coyenewanexa tsane bequein tonsanan, yawano bequein ichacuitha jainpeiban. Nacuiduban xua juntema tapoponae coyenewanexa tsane

bara bequein xeineiban beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa.

¹³ Neitacupa xua daxita taexanaewa tsipei Cristo necata pia peantayapusawa.

¹⁴ Daichitha paxam bichocono wnae painta exaname poxonae pana neyawenname tapana ne-siwamxae poxonae ichamonae jopa xanepanaya necana exanaeyo.

¹⁵ Paxam Filipos tomarapiwi pam, payaputaneme poxonae copiya tamropata pitaban xua cueicueijan Nacom Pejume Diwesi, barapoxonae meisa paxam paratixi pana necataponame poxonae Macedonia nacua weya ponan. Icha tomarapiwi pomonaе pejume cowantsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinexam po coyene xua tapaca cayawenaewatsi painya nejume cowantsiwanexa Nacom.

¹⁶ Poxonaе cataunxuae Tesalónica tomaratha poponan, paxam painta itorobame paratixi. Bapoxonaе equeicha cotacaya painta itorobame icha paratixi xua tacana nantawenonaenexa.

¹⁷ Paca tsipaebatsi baxua jopa poxoruyo xua saya taichichipaexae equeicha xua tapanecatsi-wam tsane icha paratixi. Jame apara poxoru ichichipan xua paxam bexa paxeinaenname po pentoma xua Nacom paca catsina tapana neyawenaemxaem.

¹⁸ Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta

capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonae bichocono ichichipa po petuxusi tuxueiwa jiwi tuxusi exana Nacom nexa, yawa xua poxonae po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa juntu coyene weiweina exanatsi.

¹⁹ Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peitupanaewa. Paca catsina baxua painya neyawa jinompaexae Cristo Jesús.

²⁰ ¡Barabu jiwi, Nacom pon Waxa, ataya wanae jainchinchí! Je, bara ichi tsane.

Meje yabara xua Pablo najume weta barapo carte

²¹ Painta jacobare pomonae baxotiya jinompa pomonae Jesucristo pejume cowantsiwichi pomonae yatsicaewa Nacom piamonae tatsi. Iru pomonae nebaru jinompa xote pomonae xua iru pejume cowantsiwichi Cristo Jesús, barapomonae paca jacobá.

²² Iru ru daxita pomonae Jesús pejume cowantsiwichi pomonae yatsicaewa Nacom piamonae tatsi, pomonae po tomarathepiwi, barapomonae paca jacobaru. Iru ru paca jacobá pomonae romanomonae itorobiya pia pepa peewatsinchi pia botha tatsi tanacuitatsi. Barapomonae bichocono paca

jacoba, beyacaincha ichamonae poxonae paca
jacoba.

²³ Barab^u Jesucristo, pon Wanacanamatax-
einaein, daxita paxam paca j^{unt}^u coyene
yawenaena pia paca necaantobexae.

Baja Pablo.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7